



Na osnovu člana 70. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), a u vezi sa članom 69. stav (1) tačka a), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22) te preporuke Komisije za javne nabavke u Zapisniku o pregledu i ocjeni ponuda za nabavku radova-renoviranje, adaptacija kancelarijskih prostorija Ministarstva za pitanje boraca i RVI broj: 03/5-45-11897-5/23 od 06.12.2023. godine, sekretar Ureda za zajedničke poslove, donosi

O D L U K U
o izboru najpovoljnijeg ponuđača

Član 1.

- (1) Prihvata se Preporuka Komisije za javne nabavke za predmet ugovora „Nabavka radova-renoviranje, adaptacija, kancelarijskih prostorija Ministarstva za pitanje boraca i RVI“
- (2) Ugovor iz člana 1. ove Odluke dodjeljuje se najpovoljnijem ponuđaču "ALIVUK &CO d.o.o. Bihać" prema dostavljenoj ponudi, broj: 03/5-45-11897-4/23 od 28.11.2023. godine, sa ponuđenom cijenom od 76.787,00 KM bez PDV-a, odnosno 89.840,79. KM sa uračunatim PDV-om.

Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i objavit će se na web-stranici www.vladausk.ba.

Obrazloženje

Ugovorni organ Ured za zajedničke poslove Vlade Unsko-sanskog kantona (u daljem tekstu: Ured) donio je Odluku, broj: 22-45-11897-1/2023 od 13.11.2023. godine, kojom je pokrenula postupak „Nabavke radova-renoviranje, adaptacija kancelarijskih prostorija ministarstva za pitanje boraca i RVI“ putem konkurentskog postupka.

Nakon donesene Odluke, Ured je pripremio tendersku dokumentaciju, koju je zajedno sa Obavještenjem o nabavci, broj: 928-7-3-81-3-24/23 od 13.11.2023. godine objavio na Portalu javnih nabavki. Rok za dostavljanje ponuda je 28.11.2023. godine do 13,00 sati

Po isteku roka za podnošenja ponuda za predmetnu nabavku pristigla je jedna ponuda i to:

1. „ALIVUK&CO“ d.o.o. Bihać, broj: 03/5-45-11897-4/23 od 28.11.2023. (10:51)
Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije, Komisija je utvrdila da dostavljena dokumentacija ponuđača „ALIVUK&CO

d.o.o.Bihać“ ispunjava formalno pravne i tehničke zahtjeve ugovornog organa te da je prihvatljiva i može biti predmet vrednovanja.

Obzirom da je pristigla samo jedna prihvatljiva ponuda u skladu sa članom 3. tačka 3. Pravilnika o uslovima i načinu korištenja e-aukcije („Službene glasnik BiH“, broj: 66/16), e-aukcija ne može zakazati, nego se postupak okončava u skladu sa članom 69. Zakona.

Cijeneći navedeno, ugovorni organ donosi Odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH, putem ugovornog organa, u roku od pet (5) dana od dana prijema ove odluke i to u pisanoj formi i u dovoljnom broju primjeraka, a koji ne može biti manji od tri.

Broj: 22-45-11897- 7 /2023
Bihać, 08.12. 2023 godina

Sekretar Ureda za zajedničke poslove
Elvis Beganović, dipl.ecc

